



INATSISARTUT

**Aningaasaqarnermut Akileraartarnermullu  
Naalakkersuisoq**

**Ulloq:** 7. februar 2025  
**J.nr.:** 01.31.06/25-01124

**Aningaasaqarnermut Akileraartarnermullu Ataatsimiititaliap tallimanngornermi ulloq 7. februar 2025-mi aalajangiineranik Naalakkersuisunut ilisimatitsineq.**

**Arnat akuerinngisaanik ilisimannngisaanilluunniit il.il. 1991-p kingorna naartunaveersaatilerneqarsimasut taarsiiffigineqarnissaat pillugu Naartunaveersaatit pillugit suliaq 2025. Ataatsimiititaliap suliaa nr. 01.31.06/25-01124.**

”Naalakkersuisut inassutigaa,

- *kontumi pingaarnermi 80.00.02. Inuiaqatigiit aningaasaqarneranut iluanaarutissanngorlugit aningaasaliissutit*, suliniut nutaaq nr. 21.080 Nukissiornikkut attaveqaasersuutunik nutarterineq, Nuuk, aningaasaliissutit 2025-mi 42,9 mio. koruuninik amerlineqassasut, aamma
- 2025-mut ilassutitut aningaasaliissutininut inatsisissatut siunnersuummi *kontumut pingaarnermut 80.00.02. Inuiaqatigiit aningaasaqarneranut iluanaarutissanngorlugit aningaasaliissutit* oqaasertaliussamik ilanngussisoqassasoq ilanngussaq 1 naapertorlugu.”

**Aningaasaqarnermut Ataatsimiititaliap oqaaseqaatai apeqqaatalu**

Qinersinissap nalunaarutigineqarnerata kingorna ataatsimiititaliap suleriaasia malillugu siunertaq aningaasaliiffigisassatut qinnuteqaatigineqartoq kinguartinneqarsinnaanngitsutut, politikimut attuumassuteqanngitsutut pisariaqarneralu sinnerlugu Inatsisartunngortussat aningaasaqarnikkut iliuuserisinnaasaannut killiliinngitsutut ataatsimiititaliamit isumaqatigiittumit nalilerneqartussaavoq.

Naalakkersuisut inassuteqaataat Inuit Ataqtigiit Siumullu ilaasortaataannit akuerineqarput, Demokraatilli Naleqqakkullu isumminngillat.

**Aningaasaqarnermut Ataatsimiititaliap aalajangenera**

Siuliani allassimasut ataatsimiititaliamit isumaqatigiissutigineqarsinnaanngillat.

Taamaattumillu Naalakkersuisut inassuteqaataat ataatsimiititaliamit akuerineqarsinnaanngillat.

Inussiarnersumik inuulluaqqusillunga



Peter Olsen

Aningaasaqarnermut Akileraartarnermullu Ataatsimiititaliap siulittaasua